

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 9 de outubro de 2025, da Dirección Xeral de Recursos Humanos, pola que se procede ao nomeamento como persoal estatutario fixo e á adxudicación de destino definitivo das persoas aspirantes seleccionadas nos procesos selectivos, polo sistema de concurso de méritos, para o ingreso nas categorías de albanel, fontaneiro/a, persoal técnico superior en prevención de riscos laborais, persoal técnico superior-psicólogo/a, pinche e traballador/a social, convocados polas resolucións do 26, 27 e 28 de decembro de 2022.

Mediante as resolucións desta dirección xeral do 26, 27 e 28 de decembro de 2022 (*Diario Oficial de Galicia* núm. 4, do 5 de xaneiro de 2023), realizouse a convocatoria excepcional, polo sistema de concurso de méritos, para o ingreso nas categorías de albanel, fontaneiro/a, persoal técnico superior en prevención de riscos laborais, persoal técnico superior-psicólogo/a, pinche e traballador/a social.

Así mesmo, mediante a Resolución do 27 de maio de 2025 (*Diario Oficial de Galicia* núm. 108, do 9 de xuño) publicáronse o nomeamento e a adxudicación de destino definitivo das persoas aspirantes seleccionadas no proceso selectivo, polo sistema de concurso de méritos, para o ingreso en diversas categorías de persoal estatutario de xestión e servizos.

A base 10.4 das resolucións de convocatoria prevé que, co fin de asegurar a cobertura das prazas convocadas, no suposto de situacións en que as persoas seleccionadas, por diversos motivos, non continúen no proceso, se cubrirá a baixa coa persoa aspirante incluída inmediatamente a continuación na relación de seleccionadas, pola orde de prelación que resulte da lista definitiva, con independencia da quenda de acceso.

Realizado o proceso de elección de destino das prazas que resultaron prazas vacantes, logo da Resolución de nomeamento do 27 de maio de 2025, e ao abeiro das resolucións do 26, 27 e 28 de decembro de 2022, esta dirección xeral, como órgano convocante do proceso,

RESOLVE:

Primeiro. Coa finalidade de asegurar a cobertura das prazas convocadas neste proceso extraordinario de estabilización polo sistema de concurso de méritos, e segundo o



que establece a base 10.4 das resolucións de convocatoria, realizouse a oferta das prazas que resultaron vacantes en cada unha das seguintes categorías á/ás nova/s persoa/s aspirante/s incluída/s inmediatamente a continuación, pola orde de prelación que resultou da lista definitiva, con independencia da quenda de acceso:

- Albanel.
- Fontaneiro/a.
- Persoal técnico superior en prevención de riscos laborais.
- Persoal técnico superior-psicólogo/a.
- Pinche.
- Traballador/a social.

De acordo coa convocatoria, quedaron sen efecto todas as actuacións dos/das aspirantes seleccionados/as que, no prazo e conforme o procedemento establecido, non seleccionaron os destinos que se ofertaron pola orde de prelación que consideraron, non resultaron adxudicatarios/as de ningún destino polo que optaron ou renunciaron á dita elección.

Tamén se recolle na base novena que as persoas aspirantes que, dentro do prazo fixado, non presenten a documentación ou do exame dela se deduza que carecen dalgún dos requisitos para participar neste proceso selectivo, non poderán ser nomeados/as persoal estatutario fixo e quedarán anuladas as súas actuacións, sen prexuízo da responsabilidade en que incorresen por falsidade na solicitude inicial.

As actuacións destas persoas aspirantes no concurso de méritos quedan anuladas e decaen en todos os dereitos derivados da súa participación.

Segundo. Nomear persoal estatutario fixo do Servizo Galego de Saúde nas categorías de albanel, fontaneiro/a, persoal técnico superior en prevención de riscos laborais, persoal técnico superior-psicólogo/a, pinche e traballador/a social as persoas aspirantes que se inclúen no anexo desta resolución, logo de acreditaren o cumprimento dos requisitos establecidos e de realizaren a elección de destino segundo o previsto nas bases 9 e 10 das convocatorias do proceso selectivo.



Adxudicarlles aos/ás ditos/as aspirantes, con carácter de destino definitivo, a praza que figura no indicado anexo.

Terceiro. Declarar finalizado o proceso selectivo para o ingreso, polo sistema de concurso de méritos, nas categorías de albanel, fontaneiro/a, persoal técnico superior en prevención de riscos laborais, persoal técnico superior-psicólogo/a, pinche e traballador/a social, convocado polas resolucións do 26, 27 e 28 de decembro de 2022, sen prexuízo do previsto na base 10.4 da resolución de convocatoria para o suposto de situacións en que as persoas seleccionadas, por diversos motivos, non continúen no proceso.

Cuarto. Os/as aspirantes nomeados/as disporán do prazo dun mes, contado desde o día seguinte ao da publicación desta resolución no *Diario Oficial de Galicia*, para incorporarse á praza adxudicada. A toma de posesión da praza efectuarase no centro de xestión ao cal pertenza esta.

A falta de incorporación no prazo referido, cando sexa imputable ao/á interesado/a e non responda a causas xustificadas, producirá o decaemento no seu dereito a obter a condición de persoal estatutario fixo como consecuencia do concreto proceso selectivo.

No entanto, en casos de forza maior, e por instancia da persoa interesada, a Dirección Xeral de Recursos Humanos do Servizo Galego de Saúde poderá prorrogar o prazo de toma de posesión. A incorporación ás prazas adxudicadas comportará o cesamento do persoal temporal que, se é o caso, as ocupe, de acordo cos criterios de incorporación e cesamento vixentes.

Quinto. De conformidade coa disposición adicional segunda do Decreto 70/2017, do 13 de xullo, polo que se regula a formación en igualdade e prevención e loita contra a violencia de xénero do persoal ao servizo da Administración da Comunidade Autónoma de Galicia, como condición para o perfeccionamento do nomeamento que se expida, os/as aspirantes seleccionados/as deberán realizar, con carácter obrigatorio e nun prazo non superior aos seis meses, contados desde a data de publicación do correspondente nomeamento como persoal estatutario fixo no *Diario Oficial de Galicia*, as actividades formativas para a obtención do nivel básico de coñecemento en materia de igualdade de xénero e prevención e loita contra a violencia de xénero que recolle o artigo 157 da Lei 7/2023, do 30 de novembro, para a igualdade efectiva de mulleres e homes de Galicia.

CVE-DOG: 06gw7nx4-jzt5-whe4-gm70-sx1x0bm8ojg3



Non terán que realizar esta actividade formativa os/as aspirantes seleccionados/as que a realizasen con anterioridade, se consta rexistrada en Fides/expediente-e e foi debidamente validada.

Sexto. Contra esta resolución, que pon fin á vía administrativa, poderase interpor recurso potestativo de reposición, ante esta dirección, no prazo dun mes contado desde o día seguinte ao da súa publicación no *Diario Oficial de Galicia*, de conformidade co establecido nos artigos 123 e 124 da Lei 39/2015, do 1 de outubro, do procedemento administrativo común das administracións públicas, ou poderase impugnar directamente, na xurisdición contencioso-administrativa, nos termos da Lei 29/1998, do 13 de xullo.

Santiago de Compostela, 9 de outubro de 2025

María del Mar Pousa Cobas
Directora xeral de Recursos Humanos

CVE-DOG: 06gw7nx4-jzt5-whe4-gm70-sx1x0bm8ojg3





ANEXO
Relación definitiva de adjudicatarios/as e destinos

Albanel					
DNI	Apelidos e nome	Centro directivo	Centro	Concello	Quenda
***1815**	Losada López, Jesús	A.S. de Lugo, A Mariña e Monforte de Lemos	A.S. de Lugo, A Mariña e Monforte de Lemos	Lugo	-
Fontaneiro/a					
DNI	Apelidos e nome	Centro directivo	Centro	Concello	Quenda
***3398**	Vázquez de la Fuente, José Ramón	A.S. de Ourense, Verín e O Barco de Valdeorras	Hospital Público de Valdeorras	Barco de Valdeorras, O	-
Persoal técnico superior en prevención de riscos laborais					
DNI	Apelidos e nome	Centro directivo	Centro	Concello	Quenda
***9338**	De Castro-Acuña Vidal, Fernando	A.S. de Ourense, Verín e O Barco de Valdeorras	A.S. de Ourense, Verín e O Barco de Valdeorras	Ourense	-
Pinche					
DNI	Apelidos e nome	Centro directivo	Centro	Concello	Quenda
***5075**	Pérez García, María Luisa	A.S. de Ourense, Verín e O Barco de Valdeorras	A.S. de Ourense, Verín e O Barco de Valdeorras	Ourense	-
***1754**	Varela Varela, María Raquel	A.S. da Coruña e Cee	A.S. da Coruña e Cee	Coruña, A	-
Persoal técnico superior-psicólogo/a					
DNI	Apelidos e nome	Centro directivo	Centro	Concello	Quenda
***8805**	Gómez Salgado, Patricia	Axencia Galega para a Xestión do Coñecemento en Saúde-Acis	Axencia Galega para a Xestión do Coñecemento en Saúde-Acis	Santiago de Compostela	-
Traballador/a social					
DNI	Apelidos e nome	Centro directivo	Centro	Concello	Quenda
***0963**	Guldrís Fuentes, Carlos Daniel	A.S. de Santiago de Compostela e Barbanza	A.S. de Santiago de Compostela e Barbanza	Santiago de Compostela	-

(*) Ocúltase parcialmente o número de documento nacional de identidade para preservar os datos de carácter persoal, de acordo coa Lei orgánica 3/2018, do 5 de decembro.